



Broj 16  
Juni 2012.

# INFORMATIVNI BILTEN

## BRIGADE TAKTIČKE PODRŠKE OS BiH



*Командант Бригаде тактичке подршке, бригадир мр. Есад Шејтанић, упутио је честитку свим припадницима Команде Бригаде тактичке подршке и потчињених јединица који обиљежавају годишњицу формирања Војске Републике Српске, а у поводу 20. годишњице формирања Војске Републике Српске и 7. годишњице 3. пјешадијског ( Република Српска ) пука Оружаних снага Босне и Херцеговине.*



### ZAPOVJEDNIK NACIONALNE GARDE MARYLANDA POSJETIO VOJARNU „RAJLOVAC OS BiH“

Zapovjednik Nacionalne garde Marylanda, general-bojnik James Adkins sa izaslanstvom, posjetio je 16.05.2012.godine vojarnu "Rajlovac OS BiH". Izaslanstvo je ispred Operativnog zapovjedništva OS BiH, u prostorijama Zapovjedništva Brigade taktičke potpore, primio zamjenik zapovjednika Operativnog zapovjedništva za operacije, brigadni general Sakib Forić, sa zapovjednikom Brigade taktičke potpore, brigadirom mr. Esadom Šejtanićem i suradnicima.

Nakon prijema, izaslanstvo je u pratnji domaćina posjetilo EOD središte gdje je izvršena prezentacija rada, pripremljena izložba "EOD" opreme i sredstava, te izvedena mini pokazna vježba, a potom su posjetili i Odjel za obuku deminerske bojne Brigade taktičke potpore.

Posjet je završen uz izraženo zadovoljstvo od strane general-bojnika James Adkinsa prezentiranim radom, sredstvima i opremom.



### DANI OTVORENIH VRATA U KASARNI „RAJLOVAC OS BiH“



U okviru manifestacije "Dani otvorenih vrata" oko 300 djece iz vrtića, domova i osnovnih škola iz Sarajeva, Visokog i Karate kluba "Centar" u pratnji roditelja, vaspitača i učitelja posjetilo je kasarnu "Rajlovac OS BiH" 23.05.2012. godine.

Nosilac organizacije ove manifestacije je Komanda Brigade taktičke podrške i ovom prilikom posjetioci su mogli da upoznaju personal ove brigade i da vide sredstva i opremu koju koristi ova jedinica. Pored jedinica iz sastava Brigade taktičke podrške na ovoj manifestaciji učešće su uzeli i jedinice iz sastava Brigade zračnih snaga i protivzračne odbrane koje se nalaze na vojnoj lokaciji "Rajlovac OS BiH".

Prisutnima je posebno interesantno bilo vidjeti vježbe koje su izveli pripadnici bataljona vojne policije iz sastava brTP, a veliko interesovanje pokazali su i za sva druga sredstva i opremu.

### PISMO ZAHVALE STADLEROVOG DJEČJEG DOMA „EGIPAT“ - BJELAVE

Na adresu vojarne „Rajlovac OS BiH“ stiglo je pismo zahvale od strane Stadlerovog dječjeg doma „Egipat“ - Bjelave u kome se kaže:

*Poštovani gosp. Esade!  
Poštovani vlč. Pero!*

*Istinski nas je obradovao vaš velikodušni Uskršni novčani dar od 200 KM za djecu smještenu u Stadlerovom dječjem domu Egipat u Sarajevu, za koju se skrbi naša zajednica sestara Služavki Malog Isusa.*

*Uz iskrenu zahvalnost koju vam izražavam u ime djece Stadlerovog dječjeg doma „Egipat“, kao i u ime mojih sestara koje skrbe za djecu, želim vam iskazati i naše duboko divljenje za ovu velikodušnu gestu. Raduje me da uz svoje potrebe prepoznajete i potrebe djece našeg Doma. Neka dobri Bog nagradi vaša plemenita djela svojim blagoslovom, a mi ćemo se zasigurno moliti za vas i vaše potrebe. Rado smo vas upisali među naše dobre i revne dobročinitelje.*

*S poštovanjem i zahvalnošću vas pozdravljam!*



*sestra M. Admirata Lučić  
provincijska glavarica*

### MANIFESTACIJA „DANI OTVORENIH VRATA“ U INŽINJERIJSKOM BATALJONU



U okviru manifestacije "Dani otvorenih vrata" 17.05.2012. godine oko 300 građana iz Dervente i okoline, uglavnom djece i omladine, posjetilo je kasarnu "Zdravko Čelar" u Derventi. Ovakav događaj se već po drugi put realizovao u Derventi i naišao je na veliko interesovanje od strane osnovnih i srednjih škola na ovom području. Inženjerijski bataljon Brigade taktičke podrške je bio nosilac ove aktivnosti i ovom prilikom su posjetiocima bila prikazana sredstva iz sastava ove jedinice, te izložene mogućnosti korištenja u slučaju pomoći stanovništvu prilikom vremenskih i drugih nepogoda.



Oni najmlađi i ovog puta su bili su najdraži, ali i najzahtjevniji gosti koji su od pripadnika Inženjerijskog bataljona zahtjevali objašnjenja do najsitnijih detalja o tehničkim karakteristikama i načinu upotrebe borbenih sredstava.

Pozivu za učešće na ovoj manifestaciji su se odazvali pripadnici Deminerskog bataljona Brigade taktičke podrške, Vatrogasna jedinica Derventa i AIRSOFT klub iz Dervente i svi su imali vrlo zanimljivu prezentaciju, što je svakako, doprinijelo uspješnosti realizacije ove manifestacije. Pripadnici Deminerskog bataljona su izveli veoma atraktivan program koji je sadržavao pronalaženje mina pomoću dresiranih pasa, koji uvijek iznova izaziva oduševljenje kod najmlađe populacije. Ovaj događaj je medijski praćen od strane novinske kuće "Derventski list" i televizije "K3".

### OBUKA I PROVJERA SPOSOBNOSTI TENKOVSKIH POSADA M60 A3 TTS

Oklopna bojna Brigade taktičke potpore je po odobrenom "Planu aktivnosti za realizaciju bojevog gađanja iz tenka M60A3" na lokaciji VB "Dubrave" u razdoblju 02.04 - 16.05.2012. godine realizirala obuku i provjeru sposobnosti tenkovskih posada na tenku M60A3 TTS.

Obuka je realizirana potpuno sa vlastitim kapacitetima i pod rukovodstvom zapovjednika 1.tenkovskog voda / 1.tenkovske satnije. Zacrtni cilj je bio cjelokupni sastav 1. tenkovske satnije proći obuku po testu za provjeru sposobnosti tenkovskih posada na tenku M60A3. Testovi sposobnosti tenkovskih posada ocjenjuju mogućnost članova posade da izvedu određene radnje po postajama, od 1 do 17, za koje su osposobljeni.

Ova aktivnost je jedno od ključnih sredstava koje Zapovjedniku omogućuje da ocjenjuje stručnost u vještinama svakog pojedinca prije realizacije bojevog gađanja. Zapovjedništvo 1.tenkovske satnije i zapovjednici iz sastava 1.tenkovskog voda su ovu aktivnost proveli na vrlo profesionalan način, te na kraju obuke postigli zacrtani cilj postavljen od Zapovjedništva oklopne bojne i završili procjenjivanje sposobnosti članova posade da izvedu potrebne tenkovske radnje.



### ПРИПАДНИЦИ БАТАЉОНА ВЕЗЕ ИЗВЕЛИ ГАЂАЊЕ У ПАЗАРИЋУ



Na osnovu Godišnjeg plana rada, pripadnici bataljona veze Brigade taktičke podrške sa Pala, 15.05.2012. godine, izveli su kvalifikacijsko bojevo gađanje puškom M-16 A1 na strelištu u Pazariću.

Iako vremenske prilike na strelištu nisu "išle na ruku" realizaciji ovog zadatka, rezultati koji su pripadnici bataljona veze postigli na gađanju su bili na veoma zavidnom nivou.

### OTVARANJE DEMINERSKIH RADILIŠTA I POČETAK DEMINERSKIH RADOVA

U mjesecu maju, nakon duže pauze koja je bila uslovljena određenim problemima vezanim za izdavanje akreditacije deminerske opreme, deminerske jedinice su se angažovale na deminerskim aktivnostima u cilju deminiranja miniranog prostora Bosne i Hercegovine.

U saradnji sa deminerskim timovima iz NPA (Norwegian People's Aid), koji su vršili mašinsku pripremu zemljišta, četiri deminerska tima iz sastava 2.deminerske čete vršili su od 07.05.2012 godine deminiranje miniranih površina na deminerskom radilištu Gornji Vukšić u Distriktu Brčko. Aktivnosti deminiranja na ovom deminerskom radilištu odvijali su se u dvije smjene.

Nakon sticanja potrebnih uslova i osiguranja potrebnih resursa za izvršenje deminerskih aktivnosti od 21.05.2012 godine deminerski bataljon Brigade taktičke podrške je svoje aktivnosti planirao da realizuje s kapacitetom od 25 manuelnih deminerskih timova, 4 tima za mašinsku pripremu zemljišta i 8 timova PREG-a. Realizacija deminerskih aktivnosti u ciklusu 12/5 bi se odvijala na 13 deminerskih radilišta.

Otvaranje trinaest deminerskih radilišta, gdje bi bili uposleni deminerski timovi iz sastava deminerskog bataljona potpomognuti jednim mašinskim timom za mašinsku pripremu zemljišta iz sastava NPA - odvijalo bi se u skladu s planom deminerskih aktivnosti za ciklus deminiranja 12/5.

Svi učesnici u sprovođenju deminerskih aktivnosti na planiranim deminerskim radilištima spremni su dati sve od sebe da bi ostvarili planiranu produktivnost i nadoknadili izgubljeno vrijeme zbog kašnjenja početka realizacije deminerskih aktivnosti, a sve u cilju postizanja odgovarajućeg doprinosa deminerskih jedinica u sigurnom okruženju teritorije Bosne i Hercegovine bez mina.





### PRIPADNICI BATALJONA VOJNE POLICIJE NA OBUCI U USA



U periodu od 27.04. do 20.05.2012.godine, starješine bataljona vojne policije Brigade taktičke podrške, učestvovali su na zajedničkoj obuci sa 115 VP bataljon Nacionalne garde američke države Maryland OS USA.

Tokom boravka i realizacije zajedničke obuke, pripadnici bataljona VP pokazali su zavidan nivo znanja i vještina, čime su našu zemlju predstavili u najboljem svjetlu. General Nacionalne garde Maryland (gen. James Atkinson) izrazio je čestitke svim starješinama bataljona VP, a u razgovorima sa Komandantom 115 VP bataljona Nacionalne garde Maryland OS USA, izražena je spremnost za podršku da jedinice VP OS BiH zajedno s njima učestvuju u misiji podrške mira u svijetu.

### ИНСПЕКЦИЈСКИ ТИМ РЕПУБЛИКЕ СРБИЈЕ У КАСАРНИ „МИЛОШ ОБИЛИЋ“

У касарни „Милош Обилић, Пале, 30.05.2012.године боравио је Инспекцијски тим Републике Србије за субрегионалну контролу, на челу са потпуковником Драганом Стојановићем. Са шесточланим тимом из Србије боравио је и асистент из ОЕБС-а, заставник Днепров Димитрију Михајловић из САД-а. У пратњи Инспекцијског тима испред ОС БиХ била је и петочлана екипа.

На почетку инспекције, командант локације, пуковник Жељко Брадић, припремио је краћи брифинг, чиме је учеснике инспекције упознао са локацијом, наоружањем и опремом која је предмет инспекције. Послије брифинга, инспекција је преузела податке везане за инспекцију, а послје су обишли локацију касарне „Милош Обилић“ Пале.



### HUMINT I ANALITIKA U OBAVJEŠTAJNOM RADU



U vremenskom period 07.05. do 16.05. 2012. godine u Domu OS BiH u Sarajevu, realizovani su kursevi HUMINT i Analitika u obavještajnom radu.

Kursevi su realizovani u organizaciji ZŠ OS BiH i MTT R Turske (mobilni trening tim R. Turske) u svrhu obuke pripadnika VOR-a OS BiH.

Kurs HUMINT je pohađalo 12 pripadnika vojnoobavještajnog bataljona Brigade taktičke podrške, dok je kursu „Analitika u obavještajnom radu“ sudjelovalo 7 pripadnika vojnoobavještajnog bataljona Brigade taktičke podrške.

### KVALIFIKACIJSKO BOJEVO GAĐANJE PRIPADNIKA ZAPOVJEDNIŠTVA BRIGADE

Na strelištu "Pazarić" 30.05.2012.godine personal Zapovjedništva Brigade taktičke potpore i voda veze realizirali su kvalifikacijsko bojevo gađanje iz automatske puške M16 A1.

Nakon završenog kvalifikacijskog bojevog gađanja personala Zapovjedništva brTP i voda veze, gađanju su pristupile ekipe u streljaštvu iz bojne vojne policije, vojnoobavještajne i bojne veze radi kvalifikacija na sportskom prvenstvu na razini OS BiH.

Svi pripadnici Zapovjedništva Brigade taktičke potpore i voda veze koji su izašli na gađanje zadovoljili su norme i postigli veoma dobre rezultate.



### ЗАВРШЕТАК IV ФАЗЕ ОБУКЕ СА МТТ ЕУФОР-А

Четврти циклус обуке са МТТ ЕУФОР-а који је реализован са предавачима из ОС Аустрије и ОС Пољске завршен је 11.05.2012. године.

Обуку је успјешно завршило 12 припадника из састава чете АБХО. На свечаној церемонији додјеле сертификата која је одржана 15.05.2012. године присутни су били вођа МТТ-а мајор Рудигер Де Зордо (АУТ) са инструкторима капетаном Андрзеј Ковалик (ПОЛ), заставником Мицхаел Имлер (АУТ), старијим водником Марцо Фида (АУТ), старијим водником Рафаел Какел (ПОЛ) те Андреас Аппелиус (АУТ), док је испред ЦБТД присутан био мајор Хавел Ондреј.

У завршном обраћању поводом завршетка курса мајор Рудигер Де Зордо је истакао да је веома задовољан полазницима курса, њиховим приказаним знањем, професионализмом и залагањем, те је додао како ће се ова сардња наставити и у V циклусу чији је почетак планиран у мјесецу октобру 2012. године, а дио обуке ће се реализовати у Аустрији и Чешкој.

### АКЦИЈА ДОБРОVOLЈНОГ ДАВАЊА КРВИ



Pripadnici deminerskog bataljona Brigade taktičke podrške su 17.05.2012. godine u organizaciji sa Crvenim križom Bugojno i Federalnog zavoda za transfuziologiju, a u povodu obilježavanja dana općine Bugojno, darovali krv.

U ovoj humanoj akciji deset pripadnika deminerskog bataljona sa lokacije kasarne „Admir Ljubuškić - Šutak“ je dalo ovu dragocjenu tečnost.

### POSJETA PRIPADNIKA OS BiH U MISIJI ISAF



Tim za posjete kontingentima OS BiH u misiji ISAF, predvođen brigadnim generalom Senad Mašovićem komandantom 5. pješadijske brigade OS BiH, u sklopu svojih aktivnosti u Islamskoj Republici Avganistan, posjetio je i četvrtu rotaciju pješadijske jedinice OS BiH koja se nalazi na izvršenju misije u provinciji Helmand. Pored generala Mašovića, u timu su se nalazili, Parlamentarni Vojni Komesar gospodin Boško Šiljegović, brigadni general Husein Tursunović, major Siniša Anteljević, kapetan Aleksandar Šegrt i poručnik Robert Visković.

Prije obilaska jedinice Tim OS BiH je na aerodromu u Kabulu posjetio oficire OS BiH koji obavljaju dužnosti štabnih oficira u sastavu njemačkog kontingenta u Mazari Šerifu. Potom je obavljen razgovor sa komandantom hrvatskog kontingenta ISAF misije, te komandantom Škole vojne policije i instruktorima te škole za obuku ANSAF snaga.



Zatim je uslijedila posjeta četvrtoj rotaciji pješadijske jedinice OS BiH (iz sastava 5.pbr). Tom prilikom Timu OS BiH je prezentovana trenutna situacija i aktivnosti jedinice, iskustva stečena tokom obuke u Kraljevini Danskoj, te iskustva stečena nakon rasporeda jedinice u Glavnu operativnu bazu „Price“. Kako bi se u potpunosti predstavile aktivnosti jedinice tokom obavljanja dužnosti obezbjeđenja baze „Price“, pripadnici četvrte rotacije pešačke jedinice OS BiH prezentovali su vježbu bojevog gađanja, te realizovali situacijsku vježbu (STX) na glavnoj kapiji baze, čime su demonstrirali obučenosť i osposobljenost pripadnika jedinice da reaguju na eventualne napade, izvrše izvlačenje povrijeđenih iz opasne zone i pruži prvu pomoć povrijeđenom.

Tokom STX vježbe članovi tima su posjetili i sanitetski vod u bazi „Price“, te stekli uvid u mogućnosti i kapacitete sanitetske podrške u bazi. Članovi tima su također posjetili i taktičko-operativni centar (TOC) borbene grupe, a jedinica K9 je demonstrirala sposobnosti pretresa m/v kontrole sumnjivih osoba uz pomoć službenih pasa.

Članovi tima iskoristili su priliku da razgovaraju sa svim pripadnicima jedinice, te im pruže odgovore na pitanjima koja su ih najviše interesovala. Posjeta se završila kolektivnim druženjem sa pripadnicima jedinice, tokom koje se general Mašović obratio personalu i "izrazio svoje zadovoljstvo načinom na koji pripadnici 5.pbr OS BiH izvršavaju svoje dužnosti u ISAF misiji".

Sveukupni utisak i zaključak Tima za posjete, a koji se može izvesti na osnovu pohvala od strane nadređenih komandi i sposobnosti pri izvršenju svih zadataka, jeste da jedinica u cjelosti i potpunosti izvršava zadatu misiju.

29.05.2012. <http://www.mod.gov.ba/bs/vijest.asp?id=3875>



### ZAVRŠEN SAMIN NATO U ČIKAGU

Самиту, који се одржавао 20. и 21. 05. 2012. године, присуствовали су предсједавајући Предсједништва БиХ Бакир Изетбеговић, министар одбране БиХ Мухамед Ибрахимовић те министар спољних послова БиХ Златко Лагумџија.

Шефови држава и влада чланица НАТО-а поручили су да врата НАТО-а остају отворена свим европским демократијама које желе и могу преузети одговорност и обавезе чланства.

Савезници су изразили оптимизам те подупиру аспирације БиХ. Задовољни су напретком оствареним посљедњих мјесеци, посебно успостављање Савјета министара и споразум у регистровању непокретне војне имовине. У завршној декларацији су политички челници у БиХ позвани да буду конструктивни у примјени споразума без одгађања, како би што прије покренули први Акциони план за чланство (МАП).

22.05.2012. <http://www.mod.gov.ba/sr/vijest.asp?id=3895>



### PRIPADNICI OS BiH HODOČASTILI U LOURDES

Pripadnici Ministarstva obrane i Oružanih snaga Bosne i Hercegovine hodočastili su na 54. Međunarodno vojno-redarstveno hodočašće u marijansko svetište u Lourdes – Francuska od 8. do 15. svibnja 2012. godine, predvođeni vojnim biskupom msgr. Tomom Vukšićem i general-bojnikom Antom Jelečom, zamjenikom načelnika Zajedničkog stožera OS BiH.

Prvog dana hodočašća u Lourdesu vojni biskup msgr. Vukšić predvodio je misno slavlje ispred Spilje ukazanja Djevice Marije uz koncelebraciju vojnih kapelana OS BiH don Željka Čuturića i don Donalda Markovića te vojnih kapelana iz Hrvatske, a propovijedao je msgr. Juraj Jezerinac. Po završetku misnog slavlja hodočasnici su se uputili na Križni put, nakon čega su izaslanstva upalila Zavjetne svijeće kod Spilje ukazanja.

Na putu ka Lourdesu hodočasnici su imali priliku posjetiti i nekadašnju papinsku prijestolnicu u Avignonu, gdje su nazočili misnom slavlju koje je predvodio msgr. Vukšić te običi povijesni katarski gradić Carcassonne; a na povratku kući hodočasnici su se zaustavili u Nici i Padovi gdje su također nazočili misnom slavlju. Pripadnici Oružanih snaga BiH su na ovom hodočašću imali prigodu obnoviti i učvrstiti svoju vjeru, a pritom su bili i dostojni predstavnici Bosne i Hercegovine.

16.05.2012. <http://www.mod.gov.ba/hr/vijest.asp?id=3808>

